



## Besi Vogel.

1. Saffre, Birsig haisse jetz  
Unseri Centrale.  
Kreti, Pleti, Hans und Fritz  
Fuschte grislig ab dem Witz.  
[: Sie hän halt no nit so g'hert,  
Die modärne Basler. :]
2. Sport isch jetz der heechschi Trumpf,  
In däm alte Basel.  
Schutte, boxe, Endspurt renne,  
Muess e jede Knirpis kenne.  
[: D'r scheenschi Sport isch aber doch  
's Nachtwandle um die Siile. :]
3. Lauft e brave Waldburgma,  
An dā Helge-n-ane.  
Roti, grieni Fläcke drin,  
Ihm scho ganz verdächtigt sin.  
[: Doch e Karte isch's nur gsi,  
Gross gnueg zum verdecke. :]
4. Dr Bourgeois-Hauser gieng nach rächts  
Het d'r Vorwärts brichtet.  
Old Beis, Nordstärn und au Basel,  
B'scheer er mit sim Sportsgefasel.  
[: Dass me's nit grad merke sott,  
Miess jetz Alles rächts go. :]
5. D'Verkehrsproblem sin gar nit lycht,  
Fir unseri Polizeier.  
Will's d'Mortis uff e Märtplatz haue  
Und d'r ganz Verkehr versaeue.  
[: Verbiete's erscht die g'scheite Lit,  
Die allerletscht Sekunde. :]
6. Ueb niemols Trei und Redligkait,  
Bis in Di rotes Grab.  
Wich immer vo d'r Wohret ab,  
De blibsch jo doch e noble Knab.  
[: Jo, dā Vogel kennt me scho  
An sine rote Fäcke. :]
7. „Natirlich“ ka me's nimme mache,  
D'r Gips fählt do zuem zahle.  
Statt Felse stellt me numme Kischte,  
's G'wohnti tuet me-n-usemischte.  
[: O, Du Brueder Wälzerli,  
Her uff mit ins- ceniere. :]
8. Viktor Emil, das isch Päch,  
Dass de\* Di muesch drucke.  
Volksabstimmig, Fundusg'schänk,  
's nutzt doch nit trotz alle Ränk.  
[: E Präses sott halt meh verschtoh,  
Als nur grad poussiere. :]